

պետան (վանք) պարսպեցաք, որք կարդայք Ս. Թագա-  
ւորին և իւր զաւակացն երկար կեանս խնդրեցէք » :

Արձանագրութեանցն որ 'ի մոյթս տաճարին Ս. Յակոբայ,  
որպէս յիշէ Հաննա վարդապետ եւ ականատես ծերունի  
Հարք, շեղեւ հնար առնուլ զպատճէնս նոցին և դնել 'ի  
կարգի Պատմութեանս . զի ծածկեալ են 'ի ներքոյ պատ-  
կերաց, յորում յիշատակին ասէ նա ինքն Հաննա թէ՛ որ-  
քան ընծայս ետուն և որչափ շինութիւնս արարին թա-  
գաւորք և իշխանք Կիլիկիոյ : Ի սոյն կարգի է և մատուան  
Ս . Ստեփաննոսի 'ի մէջ տաճարին Ս . Յակոբայ, բաց 'ի  
խորանէն Ս . Լուսաւորչին, զոր շինեալ է Գրիգոր շրթա-  
յակիր Պատրիարզն 'ի ժամանակի իւրում :

Սոյն այս Լեւոն թագաւոր շինեալ է Ս . Թորոս եկե-  
ղեցին 'ի յիշատակ եղբոր իւրոյ Թորոսի, որ անկաւ 'ի պա-  
տերազմին Եգիպտացոց : Թէպէտ Հաննա վարդապետ  
սխալմամբ դնէ զթուական շինութեան եկեղեցւոյն ՊԼԵ .  
(1386) փոխանակ դնելոյ ՁԼԵ . (1286), որպէս գրեցաք  
'ի վեր անդր . զի 'ի նմին թուականի կործանեալ էր թա-  
գաւորութիւնն Կիլիկիոյ և Լեւոն Ե . մեկնեալ յԵւրոպա :  
Գրէ նաեւ հայր Ալիշան թէ, Լեւոն յետ ազատութեան 'ի  
գերութենէ իւրմէ գնաց յԵրուսաղէմ իւրովքն եւ մնաց  
անդ երկար ժամանակ շրջելով 'ի Ս . Տեղիս, և մեռաւ անդ  
Թորոս անուն որդի նորին, եւ թէ շինեաց եկեղեցի 'ի  
հիւսիսոյ կողմն տաճարին Ս . Յակոբայ, և 'ի յիշատակ որ-  
դւոյն անուանեաց Ս . Թորոս : Յո-շէ-՛ . Հո-ր . Բ . Երե- 518 :  
Սակայն բովանդակ տոհմային Պատմագիրք վկայեն թէ .  
Լեւոն յետ դարձին 'ի գերութենէ չունէր արու զաւակ,  
և եկեղեցին այն արդէն կանգնեալ էր անդ, և չէր հնար  
գերեալ և յամենայն փառաց մերկացեալ թագաւորի կան-  
գնել զայնպիսի եկեղեցի : Նա երբէք չկարաց հանդիպիլ  
յԵրուսաղէմ, զի գերծեալ 'ի բանտն Եգիպտոսի, գիմեաց  
յԵւրոպա :

Թէքին Էտտին Պիպարս Փնտուգտար Մէմլուք, Սալ-  
հեան Փնտուգտար կոչեցեալ յԱրաբացոց, եկաց Սուլթան  
Եգիպտական հարստութեան 'ի թուին հիճրէթի 707  
(1258) եւ 'ի հինգերորդ ամի իշխանութեան իւրոյ, ար-  
ձակեաց զգորս իւր 'ի Պաղեստին . աւարի առին զայնոսիկ